

Skitourenwoche vom 29.3 – 1.4. 2013

Am Fritig Morge 29.3 si wier mit em Zug in Schönried gstartet für uf ünsi Tourewuche. Wier si zersch mit em Zug uf Domodosola gfahre u si wo wer da si gsi ufene Bus u sie uf Valdo gfahre. Da si Wier ufene langsami Zwöiersässelbahn wo wier sehr lang si druf gsi. Wo wier de obna si gsi heiwer D`Fell uf Schi ta u si uehi glüfe zu dr erschte Hütte (Riffugio Margaroli). Da siwer blibe bis am nägschte Morge.

Am 30.3 siwer ufs Ofenhore, wo wer obna a cho si heiwer leider ke gueti Usicht ka u si nid so lang obna blibe. Wier si aha gfahre bis zum Lago del Sabbione, wower über e See hei müesse u äned dem See isch ünsi Zwöiti Hütte gsi (Riffugio Mores). I dere siwer zwöi Nächt gsi.

Am 31.3 Si wer wider übere See u si der Hosandgletscher uehi, u si no es Stück wit ufs Blinnenhorn, wower e gueti Pulverschneeapfahrt hei ka. U de siwer no ufs Hosandhore, wo wer besseri Usicht hei ka wo ufem Ofenhore. Nahi siwer wider ahi zum See gfahre u d`Fell montiert für zrug zur Hütte. U bir Hütte heiwer d`Fell abzoge u ztrochne da. U när heiwer i dr Hütte nochli Butzeret, bis wer si ga schlafe.

Am letschte Morge 1.4 siwer wider halb übere See u si uehi glüfe u hei schöns Wetter ka. Wier si halb ufs Rothorn u si när gredig übere Gletscher ufs Blinnenhore u da heiwer näre di beshti Usicht ka. När siwer wider gege des ahi u si übere Griesgleschter. Und über di Vorderi Sulxlicke uf Wallis iz Dörfli Münster, da siwer ufenes Zügli bis uf Visp u vo da us näre heim.

Mier hei vier gueti kameradschaftlichi Tage gnosse.